

03/12/1999

Operasi PBB bukan tunjuk kekuatan

LANGKAWI, Khamis - Datuk Seri Dr Mahathir Mohamad menegaskan, operasi pengaman di Timur Timor bukan bertujuan menunjukkan kekuatan tentera atau mencampuri hal ehwal luar atau dalaman sesebuah negara.

Sebaliknya, kata Perdana Menteri, operasi pengaman Pertubuhan Bangsa-Bangsa Bersatu (PBB) itu bertujuan mengekalkan keamanan dan keharmonian di wilayah yang baru merdeka itu.

Katanya, sebarang cubaan oleh mana-mana negara untuk menunjukkan kekuatan ketenteraan dengan menyokong secara aktif atau mengetepikan kedudukan politik dan ekonomi negara lain di rantau ini perlu dihindari.

Ketika menyampaikan ucap tama Persidangan Aeroangkasa dan Maritim Antarabangsa sempena Pameran Udara dan Maritim Antarabangsa Langkawi 1999 (Lima `99) di Awana Porto Malai, di sini, Dr Mahathir berkata, "Timur Timor akan tetap menjadi jiran Malaysia yang perlu dilindungi sama ada mereka suka atau tidak, demi keharmonian dan keamanan serantau. Oleh itu, Malaysia tetap menyertai operasi itu bagi mengekalkan keamanan di rantau ini.

"Sama ada kita atau mereka suka atau tidak, Timur Timor akan menjadi jiran kita," katanya.

(END)